

Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Casus XXI. De Judice innocentem condemnante ex testimonio falsorum
testium.

urn:nbn:de:hbz:466:1-41144

stituere, ipsa quoque filia tunc simul cum aliis Creditoribus etiam concurrat, & potiorem locum obtineat ob sanguinis conjunctionem, ut notant Salas *tr. de usur.* c. 42. n. 13. Navar. c. 17. n. 269. Sà *V. usur.* n. 6. & alii: ergò poterit dotem acceptare, & in conscientia retinere: imò si dos jam tradita sit

marito, cùm ad generum transeat titulo oneroso, si gener conscius non fuit, alienationem in fraudem fuisse Creditorum, non datur actio adversus eum, esto socer in fraudem Creditorum dotem constituerit, ut habetur *l. ult. §. si à socio ff. quæ in fraudem Creditor.*

CASUS XXI.

De Judice innocentem condemnante ex testimoniis falsorum testimoniis.

FAbrius cùm æmulum, & hostem suum Therentium è medio jam diu sublatum vellet, arrepta occasione patrati nuper ab ignota manu homicidii, eum ad Judicem defert tanquam commissi homicidii reum, productis 4. testibus à se subornatis, & ad testandum pecuniâ corruptis, qui proin juratò testantur, homicidium à Therentio commissum fuisse. Judex ergò, cum allegata, & probata Therentium homicidii reum ostenderent, eum morti adjudicat, licet privatâ scientiâ certo sciret, fore innocentem.

QUÆR. I. An Judex pessit eum ad mortem condemnare, qui per testes, & allegata probatur quidem reus, sed ipse privatum certò scit esse innocentem?

QUÆP. II. An Judex teneatur ad restitutionem hæredibus Rei faciendam, si eum, postquam præter juris ordinem crimen extorxit, ad mortem condemnnet?

QUÆR. III. An, & quando testis ratione falsi testimonii ad restitutionem teneatur; vel si citatus comparere, ac testari recusat?

AD 1. Q. convenit inter ubi agitur de poena mortis; DD. in causis criminalibus, teneri Judicem omnes vias, &

& rationes inire, quibus possit reum liberare, cujusmodi sunt, impeditre accusationem, si potest, judicium in aliud tempus differre, saepe, & per intervalla examinare testes, an sint sibi constantes, an nihil varient; reo modum suggestere respondendi, vel fugiendi dissimilatam carceris custodiā, si comodē, & sine scandalo fieri potest; causam alteri delegare, & partes innocentis defendendas in se suscipere, vel si est Judex inferior causam remittere ad superiorē, & Rei innocentiam testificari, si putet hac ratione eum liberari posse, ut indicat S. Th. q. 67. a. 2. ad 3.

Quae industriae si adhibeantur, rarissimē, ut notat Lugo, continent, ut non sit locus liberationis. Sed difficultas, & controversia est, an, si his modis nequeat Judex eum liberare, & pars adversa urgeat condemnationem, eum possit condemnare? ubi AA. in diversas abeunt sententias.

127 Sat multi cum S. Th. q. 67. a. 2. & Thomistis, compluribus Theologis, ac Jurisperitis cum Covar. l. 1. variar. cap. 1. n. 6. affirmant, Moventur 1. Quia Judex non iudicat ut persona privata, ut ait S. Th. sed ut persona publica: ergo non debet sequi privatam, sed publicam scientiam; Scientia autem, seu notitia publica est illa, quae habetur per allegata, & probata. 2. ex Deut. 17. ubi dicitur: *In ore du-*

R. P. Leonardelli Soc. Jesu.

rum, vel trium testium peribit, qui interficietur. & Matth. 18. in ore duorum, vel trium testium stabit omne verbum. 3. ex cap. Pastoralis, §. quia verē de officiis, & potestat. Judic. de legat. ubi Pontifex Innocent. III. ita ait: Attendentes, quid non cognitio, sed executio tantum demandatur eidem, respondemus, quid cum Ordinarius teneatur obsequi Delegato, et si sciat sententiam illam injustam, exequi nihilominus teneatur eandem.

4. Deus non minus habet dominium in vitam hominum, quam Respubl. in bona fortunā: ergo sicut Respublica ob bonum publicum potest Judicibus dare potestatem privandi subditos bonis fortunā, si legitimē convincantur, quamvis privatim sciat esse innocentes; ita & Deus occidendi innocentem legitimē convictum; quia utramque facultatem suadet, & exigit bonum publicum, & ut servetur judiciorum ordo, & aliās aperiretur via Judicibus palliandi suos affectus, fraudes, & iniquitates, utpote qui pecuniā corrupti, aliove ex titulo facile nocentes liberare possent sub praetextu privatā notitiae, quam de iis se habere fingerent.

Conf. Deus concessit Judicibus potestatem occidendi innocentem publicē accusatum, & convictum, quem non sciunt privatā scientiā esse innocentem: ergo etiam quem privatim sciunt esse innocentem, cum utrumque videatur exigere

S. publi-

publica necessitas. 5. Quando Ju-
dex privatim scit accusatum esse
reum, & nocentem, non potest
eum condemnare, nisi publicè pro-
betur nocens: ergo econtra, quan-
do privatim scit esse innocentem, si
tamen publicè probetur nocens,
nequit eum abfolvere. 6. Est ab-
surdum, imò contra rationem plus
deferre uni, quam duobus, vel
pluribus testibus; hoc autem fie-
ret in contraria sententia: ergo,

128 Nihilominus non licere Judicii in
eo casu condemnare ad mortem
innocentem, docent Adrianus
quodlib. 6. a. 3. Panormitan. in
citt. cap. Pastorali, 28. Petr. Na-
var. cap. 3. n. 161. Angel. V. judi-
care n. 7. Eman. Sà V. *Judex*. Less.
l. 2. cap. 29. dub. 10. Bonac. D. 10.
q. 2. pun. 2. Laym. l. 3. tr. 6. cap.
2. n. 8. Lugo D. 37. S. 4. Co-
ninch. Malder. Haunold. Ills. aliij-
que RR. plures. Prob. 1. Ex una
parte solus Deus habet ius, & do-
minium in vitam, & membra ho-
minum, cum nullus sit Dominus
suæ, vel alterius vite: ex altera
parte non constat, quod tamē po-
testatem Judicibus concesserit, sed
potius contrarium constat ex illo
Exod. 23. ubi Deus dissertè prohi-
bet: *Insontem, & justum non occides;*
quaे prohibitio, cum sit universalis,
& absoluta, debet universaliter, &
absolute accipi sine limitatione,
quamdiu potest, prout hīc potest,
ac debet: Unde malè præceptum
hoc intelligis de eo, qui etiam pub-

licè insons est, & justus, hoc ipso,
quod universaliter, & absolutè lo-
quatur, & etiam ille, qui solum
per falsas delationes, & crima-
tiones nocens probatur, simplici-
ter innocens sit, & censeatur, alio-
quin Susanna fuisset dicenda sons,
& iniqua, quam tamen omnes, ip-
saque Scriptura insoltem, & inno-
centem vocat.

Prob. 2. occidere per se, & di-
rectè innocentem au toritate præ-
cisè humana, est per se, & intrin-
secè malum, nec est penes Republ.
dominium altum vitæ, &
membrorum, sicut aliorum bo-
norum fortunæ: ergo non potest
esse in Judice potestas damnandi ad
mortem eum, quem certò scit esse
innocentem; quod enim intrinse-
cè malum est, per se nunquam li-
cit, nec Respubl. potestate hab-
bet in vitam innocentis, cum hæc
soli Deo sit subjecta, & per con-
sequens neque aliis dare potest; nec
dare vult; nam verum quidem est,
quod Respubl. & quævis Commu-
nitas velit, Judicem in publicis ju-
dicis procedere secundum publi-
cas allegationes, sed ex præsump-
tione, quod eæ veræ sint; si autem
contrarium Judici manifestum est,
non potest esse locus præsumptio-
ni, quod Conf. ex Less. l. c. nam
ratio naturalis ideo dictat, Judicem
debere sequi notitiam publicam per
allegata, & probata acceptam, ne
facile aberret & discedat à veritate,
& justitia in judicando; hæc enim
ratio

ratio est illius legis, & obligationis: ergo quando ei est omnino evidens, judicium fore injustum, si sequatur allegata, & probata, non debet, nec potest ex illis judicare; nulla enim lex servari debet, quando ex ejus observatione sequeretur id, quod est intentioni, & fini legis contrarium. Accedit, quod ex tali licentia sequentur maxima, & plurima mala, iniquae cedes & oppressiones innocentium, tum propter iniuriam Judicum, tum a liorum malevolorum, qui possent publicè conspirare in necem innocentium, imò integrum Monasterium accusare, & testibus inquis convincere de proditione, & perditione Reipubl. de Idolatria, Magia, & aliis gravissimis criminibus, contra quos proin posset Jūdex, imò deberet judicialiter procedere, & viros innocentissimos flammis tradere, aut aliis gravissimis poenis plectere, licet ei certò, & evidenter constaret de illorum innocentia; quis autem, inquit Less, non horreat hoc dicere?

Prob. 3. Non minùs est intrinsecè mala directa cædes innocentis, quam copula carnalis extra legitimum conjugium; ergo sicut nemo potest licet cognoscere, quam certò scitesse non suam, quantivis probetur per testes esse sua uxor; nec potest Jūdex sciens privatim impedimentum dirimēns, licet per acta publica nullum intercedere probetur, sententiam ferre pro

valore matrimonii: ita nec licebit occidere innocentem, quantumvis probetur nocens per falso, & apparentia testimonia; cum non minùs per se repugnet rationi sine legitima facultate directè occidere innocentem, quam extra legitimum thorum generare, adeòque si hoc nihilominus est intrinsecè malum, & nunquam licet, nec illud licebit unquam. Sed

Dices, fornicatio semper est intrinsecè mala, ut nunquam à Deo permitti possit; occisio verò innocentis non est ita intrinsecè mala, quin à Deo permitti possit, aut imperari.

R. dist. a. fornicatio formaliter sumpta pro copula habita absque speciali Dei facultate est ita intrinsecè mala, c. a. sed hoc modo sumpta etiam occisio innocentis est intrinsecè mala. Fornicatio materialiter, & impropriè sumpta pro copula habita extra legitimum coniugium est ita intrinsecè mala, ut nunquam permitti aut imperari possit, sicut permitti, aut imperari potest occisio innocentis, n. a. & c. Nam Deus ut absolutus omnium Dominus non ita rerum exigentilis, & legibus communis providentia adstringitur, ut justis de causis aliquando circumstantias mutare, & aliter disponere non possit; atque adeò sicut absolutè potest jus uni dare occidendi alterum innocentem, ita possit alteri

S 2 dare

dare jus generandi extra legitimū , & stabile conjugium , quod absolu- tē facere posse , & in Abrahamo fe- cisse , docet etiam S. Th. 1. 2. q. 100. 4. 8. ad 3. & 2. 2. q. 154. 4. 2. ad 2.

Et hæc posterior sententia , sal- tem sp̄ectata ratione , est utique ve- rior , ac probabilior : Unde ad op- posita argumenta .

R. ad 1. ex illa S. Th. ratione tan- tum sequi , quod Judex , quando ju- dicat , debeat judicare secundū notitiam publicē haustam ; non au- tem quod debeat judicare , & ferre sententiam contra innocentem , quem acta publica nocentem pro- bant , sed ipse privatā scientiā scit esse innocentem , & scientiam pu- blicam nihil aliud esse , quām ini- quum errorem , & calumniam ; sed tunc potest , imo debet absti- nere à sententia ferenda , prout id fieri debet in causa matrimonii ; a- lias etiam Judex Ecclesiasticus fer- re posset sententiam pro valore matrimonii , quando certò scit pri- vatim adesse impedimentum diri- mens , quia debet judicare secundū notitiam publicam , & impe- dimentum scit tanquam persona privata , & non tanquam Judex , & persona publica , sicut tu dicas de Judice sæculari . Demum S. Th. 1. c. ait , Judicem contra leges divi- nas , & humanas nullas probatio- nes admittere debere : atqui lex divina prohibet directam innocen-

tis occisionem , ut patet ex dictis . ergò .

R. ad 2. cum Lug. ibi præcipi- ne quis sine duorum saltem testi- monio damnetur , atque adeò non sufficere unum testem , sed requiri ad minimum duos , ut quis possit interfici ; non verò ibi præcipi , ut quandocunque adsunt duo testes possit quis occidi , etiamsi Judici constet , illos calumniari , & reum esse innocentem , adeòque textum illum solū declarare velle , quid regulariter fieri possit , quando nempe Judex non novit contra- riū .

R. ad 3. cum eodem Lug. ibi sermonem esse non de poena mor- tis , sed de poena Ecclesiastica , quam ob justissimam causam servandæ debitæ subordinationis , potest Pontifex velle executioni mandari ab Ordinario , quando hic non po- test efficere apud Delegatum , ut ab eo onere liberetur . Demum ut notat Less. Pontifex ibi loquitur de eo , qui merus est executor , & nullam habet causæ cognitionem , hic enim tenetur exequi sententiam Delegati , quam scit esse injustam , id est , contra jus litigatoris ; quia cum litigatori non appellat , videtur ce- dere jure suo , vel agnoscere cri- men ; si enim putet sibi injuriam fi- eri per sententiam Delegati , debet ab eo appellare ad Papam .

R. ad

R. ad 4. n. c. & suppositum, quod Republica det Judicibus, aut dare ordinariē possit facultatem ejusmodi dominia transferendi, cùm id necessarium non sit ad bonum publicum, utpote quod aliis viis, & mediis obtineri potest, & ex ea licentia æqualia, vel majora mala sequentur. Nec satis credibile est, Rempublicam velle bonorum temporalium dominium ab innocentem in alium transferri, quando sententia Judicis falla præsumptione nititur, & Judici certò constat de innocentia accusati, præsertim cùm ejusmodi spoliatio bonorum plerumque cum gravis infamiae nota conjuncta sit, & Republica nullum habeat dominium in famam, & honorem subditorum.

Deinde quamvis Republica concederet talem facultatem circa bona fortunæ, constat tamen Deum ejusmodi potestatem circa vitam innocentium non concessisse; tum quia universaliter prohibet insontis occisionem, ut dictum est supra, tum quia Deus salva communis providentia lege & jure naturali, in quo rarissime imutat objectum, propter qualemque periculum boni publici ex malitia Judicum per accidens lædendi non potest ordinariam facultatem in vitam innocentium concedere Judicibus, illâ gravius, turpius, ac frequentius fortassis abusuris.

Ad rationem additam patet responsio ex supra dictis; majus enim esset periculum in Republica ex ca-

lumniis, & iniuste falorum testimoniis, qui innocentes accusarent, quād ex Judice, qui nollet condamnare taliter nocentem, meliusque est, teste Less. decem nocentes absolvi, quād unum innocentem damnari, & occidi.

Ad Conf. R. n. c. cum addita ratione, nam cur Deus in tali casu per accidens Judici faciat potestatem condemnandi innocentem, non est solum bonum publicum, sed insuper invincibilis ignorantia, quam de illius innocentia habet; sic miles non peccat formaliter, si amore patriæ occidat hominem, quem invincibiliter putat esse hostem, aut proditorem patriæ, num propterea non peccabit, si certo sciat esse concivem, vel amicum, esto alii publicè dicant esse inimicum? Dein retorquo argumentum; Deus in causa matrimonii fecit Judici potestatem copulandi eos, quos post publica acta, & probationes auditæ invincibiliter Judicat nullo impedimento dirimente laborare: ergo etiam fecit potestatem conjungendi eos, quos privata scientia certo novit esse aliquo impedimento dirimente irrititos.

R. ad 5. c. totum; non enim hīc asseritur, Judicem posse per sententiam positivè innocentem absolvere, quando publicè probatur nocens, sed non posse duntaxat condemnare, quando certo

S 3 constat

constat de ejus innocentia; potest enim interim detinere in carcere, donec opportunitatem nanciscatur eum diuinitendi, vel ad Superiorē remittere &c. Deinceps ex notitia privata nequeat eum condemnare, ratio est, quia id, quod solus Judex scit, censetur adhuc occultum in judiciis humanis, & reus, quamdiu crimen non est probatum, jus habet se defendendi; ipsaque jura magis prona sunt ad absolvendum, quam ad condemnandum, adeoque licet nequeat uti privata scientia contra, potest tamen uti pro, & in favorem accusati, præsertim ubi voluntas Reipubl. prudenter prælumi potest, prout hic potest, & de Dei voluntate satis constat.

R. Ad 6. Dist. maj. si cætera sint paria, C. M. si sint imparia, prout hic sunt, n. M. & sub eadem dist. min. & c. nam neque absurdum est, neque contra rationem credere magis sibi habenti certitudinem, vel evidentiam de rei veritate, quam mille testibus, quorum testimonium certò constat esse falsum. Dein non asserimus hic Judicem vi suæ privatæ scientiæ posse accumulatum per sententiam absolvere, sed posse, ac debere positivè non condemnare uti paulo antè insinuatum est!

129 Ad 2. Q. Noto cum Less. citt. & Gomez cap. 13. n. 4. & cap. 12. n. 6. multis modis posse à Judice

crimen per injuriam extorqueri. Primò, si Judex tormentis, vel propinquo metu tormentorum elicit Confessionem tunc, quando non aderant indicia idonea ad torquendum. Nec refert, si confessio postridie ratificetur; quia hæc ratificatio est ex causa injuria, ac proinde est nulla, L. non dubium, s. C. de legib. & L. penult. ff. de quæstion. & si reus sciret confessionem per mendacium, & dolum Judicis fuisse extortam, eam retractaret.

Secundò, si aderant quidem indicia ad torturam, sed persona ratione dignitatis, vel ætatis non poterat torqueri; quia tunc extorquet crimen occultum per injuriam, ut notat Gomez l. c.

Tertiò, si Judex à se ipso inquisitionem inchoet nulla præcedente infamia, aut denuntiatione juridica, quæ viam inquisitioni aperriat: quia Judex nequit contra alia quem instituere inquisitionem specialem tendentem ad punitionem criminum, si nulla præcedat infamia auctoris, ut tenet communis DD. & colligitur ex C. Inquisitionis, §. tert. de accusation. & ex cap. qualiter, 2. eod. tit.

Quartò, si dolo induxit ad confitendum, v. g. per mendacia, & promissionem impunitatis; paria enim sunt, confessione in esse factam dolo, & metu, cum utraque

que

que per injuriam eliciatur, ut notat etiam Clarus q. 55. His notatis.

130 R. si Judici aliæ rationes suppetant, ex quibus reum juridicè damnare poterat, aut damnaturus erat, non teneri Judicem ad restitutionem; quia eti in modo inferendi damni reo injuriam faciat, non tamen est efficax causa damni, utpote quod aliunde jam censetur illatum, vel iustè ex alia ratione inferri posset; adicōque cùm ad ipsam substantiam damni inferendi jus habeat, non censetur injuriam fecisse, nisi quoad modum.

Quòd si Judex non servato juris ordine ex scientia, vel cognitione privata per injuriam extorta reum subditum condemnnet, teneri ad damna inde secuta resarcienda, meritò docent Navar. 6. 18. n. 59. Sotus de secreto. membr. 3. q. 1. Concl. 5. Less. l. c. dub. 18. aliquie.

Ratio est, quia quando Judex ex privata scientia & juris ordine non servato condemnat reum, facit illi injuriam, tanquam Judex minimè competens, cui talis protestas non est ei in tali casu concessa; quando autem Judex per injuriam extorquet crimen, dat iustè causam damni, quod ex illa cognitione iustè parta sequitur, ad cujus proin reparationem tenetur; sicuti ille teneretur, qui

alterius occultum crimen pateficeret, unde contingere eum condemnari, utpote qui causam damni iustè dedit; qui enim causam damni dat, damnum fecisse videtur, cap. ultim de injuriis.

Ad 3. Q. R. Vel testis pernicio- 131
sam falsitatem dixit ex inaduer-
tentia, oblivione, aliave causa ex-
cusante ab omni peccato, vel
aduertenter & sciens, aut ex cras-
sa ignorantia? si primum, non te-
netur ad ullam damnorum resti-
tutionem, quæ alter passus est ob
ipsius falsum testimonium, uti do-
cent Cajetan. q. 70. a. 4. Sylvest.
V. testis q. 8. Sotus de just. q. 7. a.
Less. l. c. dub. 7. Navarr. c. 25. n. 40.
Filliuc. Valent. Tolet. Diana & alii.
Ratio est, quia si teneretur, vel tene-
retur ratione rei acceptæ, vel inju-
stæ damnificationis. Non ratione rei
acceptæ; cùm nihil extet apud
ipsum testem: Neque ratione in-
justæ acceptio, seu damnifica-
tionis; cùm excusatculpa, hoc
ipso quòd non peccaverit, uti sup-
ponitur, & obligatio proveniens
ex iusta damnificatione suppo-
nat culpam, & damnificationem
formaliter iustum, quæ hīc non
datur, sed hujusmodi damnum
quasi fortuitò illatum censetur.

Si verò aduertenter, & sciens,
vel ex crassa ignorantia dixit falsum
testimonium, ratione ejus alter
iustè damnum passus est, tene-
tur ad restitutionem damnorum
ratio-

ratione injustæ damnificationis; quia per injuriam est causa efficax totius damni. Si tamen reus erat per alios testes jam convictus, & tuum testimonium accedens nihil effecit, eò quòd pena propter illud non sit aucta, nec Judex firmiter redditus ad eam infligendam, non teneris ad restitutionem; quia etsi injuriam ei irroges; non tamen es causa efficax damni, quod ex prioribus testimoniosis jam censetur illatum. Ut notant citt. DD. Unde testis, qui hoc modo falsum testimonium dixit, ratione cuius mors, vel mutilatio est inferenda, tenetur sua dicta retractare, si id profuturum putet ad alterum liberandum, etiam cum æquali damno, ut docent Molina, Less. Valent. Bonac. Navarr. Azor Bann. aliqui communiter, quia in pari damno melior censeri debet conditio innocentis. Si tamen crederet, se nihil profuturum, non teneretur retractare, cùm nullus ad opus inutile obligetur.

132 Ad 2. Membrum, non teneri testem ad restitutionem, ex eo quòd se ad testandum non obtulerit, et si ejus testimonium necessarium sit ad vitandum proximi damnum, tenent communiter DD. quia non tenetur ex justitia se offerre, quamvis interdum teneatur ex charitate, cùm ei grave damnum inde non impendet. Quod si nullum damnum immineat, & à Judice

citetur, ipse verò fugiat, vel se occultet, vel aliqua arte Judicis interrogationem eludat, an tunc teneatur ad restitutionem, multi affirmant cum Navarr. cap. 25. n. 41. Soto l. s. de just. q. 7. a. 1. Solon, Reginaldo, Till. putantes, eum tunc teneri ex justitia ad testandum.

Contrarium tamen satis probabiliter tenent Molina D. 83. Sylvest. V. testis, n. 8, Bonac. D. 10. q. 3. pun. 3. n. 13. Less. l. c. dub. 8. n. 59. aliquique apud citt. Ratio est, quia citatio illa Superioris non imponit citato obligationem justitiae ad testandum, sed solum obediencie, non enim censetur injustus, si non compareat, sed inobediens, & contumax, sicut Magistratus præcipiens alicui, ut curam pupilli suscipiat, non imponit obligationem justitiae, & qui recusat tutelam capessere, etiam falsis praetextibus se excusando, non dicitur injustus, & injurius in Magistratum, aut pupillum, sed inobediens, & contumax contra illum, & parùm pius in pupillum; & ratio ulterior est, quia obligatio, qua quis lege justitiae tenetur in gratiam proximi obire aliquam functionem, non nascitur præcisè ex præcepto Superioris, sed ex acceptatione illius, qui illam obit; hic enim acceptando officium, vel functionem, implicitè promittit, & ita se ad illam obligat, & alterius tribuit ad illam exigendam;

in

in tali autem teste, ut suppono, nulla intervenit promissio, nulla que conventio; adeoque ex justitia non obligabitur.

133 Hinc sequitur, 'testem non teneri ex justitia respondere, aut jurare, se dicturum veritatem, dum interrogatur à Judice; nam Judex non imponit ipsi obligationem ju-

sticie, sed duntaxat obedientie; consequenter peccat contra obedientiam, non contra iustitiam. Quare si nolit jurare, aut respondere, puniti quidem potest tanquam inobediens, sed non tenetur ad restitutionem, seu reparationem damni reo fecuti,

CASUS XXII.

De obligatione testium Judici interroganti respondendi.

Tertius nocturno tempore occidit inimicum suum, cui comes erat Cajus, non tamen homicidii complex, jurat nihilominus Cajus Titio, se patratum homicidium non proditurum, quod cum postea innotuisset Judici, in ejus authorem inquirit.

QUÆRITUR, utrum Cajus interroganti Judici non obstante juramento, veritatem aperire possit, vel debeat?

134 **M**ultiplex in posito casu potest esse quæstio. Primo. Cum crimen est occultum, & nulla adiunt indicia publica, sed suspicio duntaxat patrati criminis,

quæritur, an si ipsi sciant authorem delicti, teneantur interroganti respondere, & de eo testari?

Secundo. Cum de crimine certo constat esse patratum, ut in casu posito de homicidio, eo quod manè repertum sit cadaver in platea: Unde Judex ex officio vult recipere de vicinis informationes, &

Tertio. Si non solum de criminе certo constet, sed etiam reus infamia laboret tanquam à se patratum delictum, cum de eo dentur præsumptiones tam vehementes, quæ faciant semiplenam aliquam probationem, quo casu quæritur, an Cajus teneatur interrogatus à Judice testimonium dare,

T si sciat

R.P. Leonardelli Soc. Jes.